

Na osnovu člana 95. stav 1. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02, 28/04 i 57/09), federalni ministar finansija - federalni ministar financija donosi

## **PRAVILNIK**

### **O IZMJENAMA I DOPUNAMA PRAVILNIKA O DODJELJIVANJU IDENTIFIKACIONIH BROJEVA I POREZNOJ REGISTRACIJI POREZNIH OBVEZNIKA NA TERITORIJI FEDERACIJE BOSNE I HERCEGOVINE**

#### Član 1.

U Pravilniku o dodjeljivanju identifikacionih brojeva i poreznoj registraciji poreznih obveznika na teritoriji Federacije Bosne i Hercegovine ("Službene novine Federacije Bosne i Hercegovine, br. 39/02, 1/03 i 11/04), u članu 2. dodaju se novi st. 2. i 3. koji glase:

"Za fizička lica strane državljanke u porezne svrhe koristi se identifikacioni broj koji dodjeljuje Porezna uprava, a sastoji se od 13 cifara koje se formiraju na slijedeći način:

- prvih sedam cifara predstavlja datum rođenja stranog fizičkog lica,
- osma cifra je "0" kao oznaka stranih fizičkih lica,
- deveta, deseta i jedanaesta cifra predstavlja šifru države,
- dvanaesta i trinaesta cifra predstavlja redne brojeve od "001" do "999".

Prijava za registraciju vrši se podnošenjem obrasca RSFL koji je sastavni dio ovog Pravilnika."

#### Član 2.

U članu 8. uvodna rečenica mijenja se i glasi:

"Porezna registracija i dodjela identifikacionih brojeva pravnim licima i organizacijama, čiji registracioni organ nije sud, vrši se na na slijedeći način:

U tački 1. riječi: "o upisu u sudski registar u skladu sa Zakonom o postupku upisa pravnih osoba u sudski registar ("Službene novine Federacije BiH", br. 4/00, 49/00 i 32/01)" brišu se .

U podtački b. riječi: "kopiju rješenja o upisu u sudski registar", zamjenjuju se riječima: "kopiju rješenja nadležnog organa kojim se odobrava obavljanje djelatnosti po posebnim zakonima ".

#### Član 3.

Iza člana 8. dodaje se novi član 8a. koji glasi:

#### "Član 8a.

Porezna registracija i dodjela identifikacionih brojeva za pravna lica za čiju registraciju je nadležan registracioni sud vrši se na slijedeći način:

1. Dodjela identifikacionog broja za pravna lica čiji je registracioni organ sud vrši se prije porezne registracije na osnovu prijave za upis osnivanja subjekta upisa i upisa dijela subjekta, koju nadležni sud dostavlja u elektronskoj formi kantonalnom poreznom uredu i službi Zavoda prema sjedištu subjekta upisa.

2. Ovlašteni uposlenik Porezne uprave na osnovu podataka iz prijave iz stava 1. tačka 1. ovog člana, provjerava da li su ispunjeni svi uslovi za dodjelu identifikacionog broja shodno odredbama Zakona o poreznoj upravi Federacije BiH, Zakon o registraciji poslovnih subjekata i Zakona o privrednim društvima.

3. Ako se utvrdi da nema spornih činjenica za poreznu registraciju nadležni porezni ured/služba Zavoda, u skladu sa svojom metodologijom, dodjeljuje 13-cifreni identifikacioni broj i obavještava sud u elektronskoj formi o dodjeljenom identifikacionom broju radi evidentiranja istog u rješenju o upisu u sudski registar.

4. Porezni obveznik - pravno lice dužno je naredni dan, a najkasnije u roku od pet (5) radnih dana od dobijanja rješenja o upisu u sudski registar, nadležnom poreznom uredu/službi dostaviti slijedeće dokumente:

a) dva primjerka popunjenog obrasca PPL-1 za poreznu registraciju (obrazac prijave je sastavni dio ovog Pravilnika);

b) kopiju Rješenja o upisu u sudski registar.

5. Na osnovu dokumentacije iz tačke 2. ovog člana, ovlašteni uposlenik Porezne uprave, registruje poreznog obveznika i izdaje mu uvjerenje o poreznoj registraciji koje sadrži i identifikacioni broj poreznog obveznika."

#### Član 4.

U članu 12. riječi: "Zakonom o postupku upisa pravnog lica u sudski registar" zamjenjuju se riječima "Zakonom o registraciji poslovnih subjekata u Federaciji Bosne i Hercegovine".

#### Član 5.

Iza člana 16. dodaje se novi član 16a. koji glasi:

#### "Član 16a.

Dodijeljeni identifikacioni broj poreznom obvezniku će se oduzeti u posebnim slučajevima propisanim Zakonom o Poreznoj upravi Federacije BiH.

Postupak oduzimanja identifikacionog broja provodi se na zahtjev lica koje ima pravni interes ili po službenoj dužnosti, shodno odredbama upravnog postupka. Postupak provodi organizaciona jedinica Porezne uprave koja je i dodijelila identifikacioni broj poreznom obvezniku."

#### Član 6.

Ovaj Pravilnik stupa na snagu narednog dana od dana objave u "Službenim novinama Federacije BiH".

Ministar  
**Vjekoslav Bevanda**, s. r.

Bosna i Hercegovina FEDERACIJA BOSNE I HERCEGOVINE Federalno ministarstvo financija/finansija POREZNA UPRAVA	<b>Obrazac RSFL</b> <b>Registracija stranaca u sistem</b> <b>Porezne uprave F BiH</b>
---	---

**Dio 1 – Podaci o poreznom obvezniku**

<b>JIB lica/osobe</b>		
<input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/> <input type="text"/>		
d d m m g g r 0 / sifra države / red.br /		
1.	Prezime	
2.	Ime jednog roditelja	
3.	Ime	
4.	Datum rođenja (dan/mjesec/godina)	<input type="text"/> <input type="text"/> / <input type="text"/> <input type="text"/> / <input type="text"/> <input type="text"/> <input type="text"/> <input type="text"/>
5.	Država porijekla (šifra-naziv)	<input type="text"/> <input type="text"/> <input type="text"/> -
6.	Adresa prebivališta Federaciji BiH	_____
6.1.	Općina (šifra-naziv)	<input type="text"/> <input type="text"/> <input type="text"/> <input type="text"/> <input type="text"/> -
6.2.	Ulica i broj	_____

<p><b>Napomena:</b>          Kod prve registracije kada porezni obveznik nema JIB u Poreznoj upravi, potrebno je da se popuni JIB kako je gore naznačeno, a sistem mu dodjeljuje zadnja dva broja. Nakon dodjele JIB-a porezni obveznik će dobiti obrazac sa dodijeljenim JIB-om i koji ima važnost uvjerenja o poreznoj registraciji stranaca u Poreznoj upravi F BiH.</p>
---

**Dio 2 – Izjava poreznog obveznika**

Izjavljujem da su svi podaci navedeni u ovom zahtjevu tačni, potpuni i jasni i da sam upoznat sa svojim pravima i obavezama kao i sankcijama propisanim Zakonom o Poreznoj upravi i drugim propisima.	
Potpis poreznog obveznika	Datum

**Dio 3 – Podaci koje popunjava Porezna uprava F BiH**

Potpis poreznog službenika	Datum prijema
----------------------------	---------------